



Data: 19.04.2012
Për: Menaxherët e QV-ve
Nga: Valdete Daka, Kryetare e KQZ-së
Kopje: Anëtarëve të KQZ-së, Arkivës së SKQZ-së
Lënda: **Udhëzues për Menaxherët e QV-së për Ditën e Zgjedhjeve për Kryetar Komune në Ferizaj**

Në kuadër të përgatitjeve për organizimin dhe implementimin e Zgjedhjeve për Kryetar Komune në Ferizaj me 29 prill 2012, dhe me qëllim të sigurimit të një procesi të rregullt, transparent dhe të besueshëm për të gjithë votuesit në pajtim me Ligjin në fuqi dhe rregullat e zgjedhjeve, U.D i Kryeshefit Ekzekutiv i SKQZ-së me 19 prill 2012, nxjerrë këtë:

UDHËZIM PËR MENAXHERËT E QV-ve

për Ditën e Zgjedhjeve për Kryetar Komune në Ferizaj për datën 29 prill 2012

Për menaxherët e QV-ve në Komunën e Ferizajt që do të shërbejnë në ditën e zgjedhjeve për Zgjedhjet e Jashtëzakonshme për Kryetar Komune në Ferizaj, është i obliguar që të sillet në pajtim me rregullat dhe procedurat e përcaktuara në Ligjin për Zgjedhjet e Përgjithshme, Rregullat Zgjedhore si dhe parimet e Kodit të Mirësjelljes të nënshkruar nga menaxheri i QV-së me rastin e emërimit;

Poashtu menaxheri i QV është i të obliguar që të përmbahet nga veprimet e ndaluara të ndërlidhura me procesin e votimit të sanksionuara në Kodin Penal të Republikës së Kosovës si në vijim:

Parandalimi i ushtrimit të së drejtës së votimit

Neni 176

Kushdo që gjatë ushtrimit të detyrave që i besohen atij lidhur me votimet në Kosovë dhe me qëllim të pengimit të ushtrimit të së drejtës së votimit të personit tjetër në mënyrë të paligjshme nuk e regjistron personin e tillë në listën e regjistrimit të votuesve ose në ndonjë mënyrë tjetër e pengon personin tjetër nga ushtrimi i së drejtës së votës dënohet me gjobë apo me burgim deri në një vit.

Cenimi i përcaktimit të lirë të votuesve

Neni 177

Kushdo që me përdorimin e dhunës, kanosjes serioze, ryshfetit ose duke keqpërdorur varfërinë ekonomike apo profesionale të votuesit ndikon në votuesit në Kosovë që të votojnë në mënyrë të caktuar ose të mos votojnë në zgjedhje dënohet me burgim prej gjashtë muajve deri në tre vjet.

Keqpërdorimi i të drejtës së votimit

Neni 178

Kushdo që në zgjedhjet e mbajtura në Kosovë voton në emër të personit tjetër ose votin, apo megjithëse ka votuar, sërish tenton të votojë, dënohet me dënim me gjobë a më burgim deri në një vit.

Cenimi i fshehtësisë së votimit

Neni 179

- (1) Kushdo që në zgjedhje të mbajtura në Kosovë cenon fshehtësinë e votimit dënohet me gjobë ose me burgim deri në gjashtë muaj.
- (2) Kushdo që me përdorimin e dhunës, kanosjes serioze ose në ndonjë mënyrë tjetër kërkon nga personi të tregojë se për cilin ka votuar dënohet me gjobë ose me burgim deri në një vit.
- (3) Nëse veprën penale nga paragrafi 1 i këtij neni e kryen anëtar i Komisionit Qendror të Zgjedhjeve ose cilido person tjetër gjatë ushtrimit të detyrës së tij gjatë zgjedhjeve a votimit, kryerësi dënohet me burgim deri në tre vjet.

Mashtrimi në votime

Neni 180

Kushdo që i falsifikon rezultatet e zgjedhjeve apo të votimeve në Kosovë duke shtuar, hequr apo shlyer votat a nënshkrimet, duke i numëruar në mënyrë jo të saktë, duke i regjistruar në mënyrë jo të saktë rezultatet e zgjedhjeve në dokumentet zgjedhore apo këtë e kryen në ndonjë mënyrë tjetër ose i publikon rezultatet e zgjedhjeve a të votimit që nuk i përgjigjen votimit të kryer dënohet me burgim prej gjashtë deri në pesë vjet.

Asgjësimi i dokumenteve të votimit

Neni 181

- (1) Kushdo që në zgjedhjet e mbajtura në Kosovë fsheh, dëmton apo e merr ndonjë dokument lidhur me zgjedhjet dënohet me gjobë apo me burgim deri në një vit.
- (2) Nëse veprën nga paragrafi 1 i këtij neni e kryen personi zyrtar në ushtrimin e detyrës në lidhje me zgjedhjet, kryerësi dënohet me burgim deri në dy vjet.